

Ugovor o nabavci robe

Ugovorne strane:

1. **Univerzitet u Sarajevu-Institut za genetičko inženjerstvo i biotehnologiju**, ul. Zmaja od Bosne 8, Kampus, Rješenje Kantonalnog suda u Sarajevu UF/I – 190/02 od 04.03.2002., Račun kod Raiffeisen bank dd Sarajevo broj: 161000008180021, Identifikacioni broj: 4200096750009 (u daljem tekstu: Kupac) koga zastupa direktor, dr. sc. *Naris Pojskić*, naučni savjetnik i
2. **“Mikro+Polo” d.o.o. Sarajevo**, ul. Pijačna 14K, ID broj: 4201572320006, račun kod Raiffeisen bank d.d. Sarajevo, broj: 1610000087810037,(U daljem tekstu: Dobavljač) kojeg zastupa direktor, dipl. ecc. *Miha Završnik*.

Član 1.

Ugovorne strane su zaključile **OKVIRNI SPORAZUM O SUKCESIVNOJ ISPORUCI ROBA**, broj: 99-3a/19 od 12.04.2019. godine, kojim su utvrđeni uslovi za sklapanje pojedinačnih ugovora o javnoj nabavci za sukcesivnu isporuku Kitova za izolaciju i detekciju nukleinskih kiselina, **Lot 1 - PCR kit za amplifikaciju humanih lokusa** i **Lot 3 - Kit za izolaciju DNK iz biljnog materijala**, a prema predviđenim jediničnim cijenama i specifikaciji u tenderskoj dokumentaciji, ponudi ponuđača te uslovima utvrđenim navedenim Okvirnim sporazumom.

Član 2.

Predmet ovog ugovora je pojedinačna nabavka i isporuka:

- Lot 1 – PCR kit za amplifikaciju humanih lokusa** (kompletan)
Lot 3 – Kit za izolaciju DNK iz biljnog materijala (kompletan)

Ukupna cijena za narudžbu iz **Lotova 1. i 3.** iznosi **8.140,86 KM** sa PDV-om (slovima: osamhiljadastočetrest i 86/100)

Član 3.

Za nabavku robe iz člana 2. ovog ugovora proveden je postupak bez objave obavještenja o javnoj nabavci putem konkurentskog zahtjeva. Prodavac se prijavio za učestvovanje u ostavljenom roku i dostavio dokumentaciju koja odgovara postavljenim zahtjevima, na osnovu čega je prodavac izabran da sukcesivno izvrši nabavku roba koje se predmet Okvirnog sporazuma i ovog ugovora.

Član 4.

Shodno članu 4. i 5. Okvirnog sporazuma, ugovorna jedinačna cijena za nabavku odabrane robe je fiksna i nepromjenljiva i u istu su uključeni svi troškovi i popusti.
Cijena iz stava 2. člana 2. ovog ugovora je osnov za obračun u fakturi za isporučene artikle.

Član 5.

Prodavac se obavezuje da robu koja je predmet ovog ugovora isporuči prema zahtjevima kupca koji će dostaviti narudžbu u prostorije kupca u Sarajevu, ul. Zmaja od Bosne 8, Kampus u roku od 0-14 za Lot 1., a 15-30 dana za Lot 3., od dana narudžbe.

Potpisivanjem dostavnice od strane jednog od šefova laboratorija, smatra se da je izvršen prijem predmetnih artikala.

Član 6.

Kupac se obavezuje da će plaćanje po ovom ugovoru izvršiti u roku od 60 dana od prijema fakture za dostavljenu robu.

Član 7.

Za svaki dan zakašnjenja sa isporukom naručene robe, prodavac je dužan kupcu platiti penale u skladu sa zakonom.

Član 8.

Ukoliko se, nakon prijema utvrdi da roba koju je prodavac isporučio ima nedostatke ili nije ugovorenog kvaliteta, prodavac je dužan iste zamijeniti u dogovorenom roku.

Član 9.

Ukoliko kupac u ugovorenom roku ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovu oblast.

Član 10.

Ugovorne strane su dužne pridržavati se uslova provođenja zaključenog Okvirnog sporazuma broj: 99-3a/19 od 12.04.2019. godine.

Na sve odnose koji nisu regulisani Okvirnim sporazumom ili ovim ugovorom, a pojave se prilikom realizacije, primjenjivaće se odredbe Zakona o obligacionim odnosima.

Član 11.

Dobavljač nema pravo zapošljavati, u svrhu izvršenja ovog ugovora, fizička lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ovog ugovora, odnosno od početka realizacije istog.

Član 12.

Sve eventualne sporove ugovorne strane će rješavati sporazumno, a ako u tome ne uspiju ugovaraju nadležnost suda u Sarajevu.


Član 13.

Ugovor se primjenjuje danom potpisivanja od obje ugovorne strane, a sastavljen je u (4) četiri istovjetna primjerka od kojih svaka ugovorna strana zadržava (2) primjerka.

ZA NARUČIOCA:

Direktor:

Dr.sc. **Naris Pojskić**, naučni savjetnik



Broj: 99-3a-1/19
Datum, 12.04.2019. godine



ZA DOBAVLJACA:

Direktor:

Dipl.ecc. **Miha Završnik**

Broj: 05-022-3.1/19
Datum, 15.04.2019. godine

